

समे – 12:25 hrs.

<><><><><><>

PM-Conclave

प्रधानमंत्री नरेंद्र मोदी होंरें अज्ज न्यू एक्स वर्ल्ड दा उद्घाटन कीता जिस मौके भारत दे अलावा दुनिया दे कई बड़े दिग्गज बी मजूद हे। इस मौके उनें आखेआ जे भारतीय मीडिया दी पंछान हून पूरी दुनिया च बनी गेदी ऐ ते एहदे राएं भारत दी हर लौहकी बड़ी खूबी गी दुनिया भरै च मानता थोआ करदी ऐ। उनें आखेआ जे भारत दा मुट्टा अनाज अज्ज दुनिया भरै च लोप्रिय होआ करदा ऐ ते बाजरा ते होर दुए मकामी उत्पाद जिनेंगी इत्थूं लोकें अनदिक्खा करना शुरू करी दिते दा हा, ओह अज्ज पूरी दुनिया दी पैहली पसिंद बनी गेदा ऐ। एहदे अलावा स्हाड़ियां देसी दोआइयां, खडोने, राई-बाई दे उत्पाद, इत्थूं तगर कि स्हाड़ियां परम्परां ते आस्थां बी दुनिया भरै च अपनी टकोहदी पंछान बना करदियां न। उनें आखेआ जे भारत हून पूरी चाल्ली ग्लोबल होई चुके दा ऐ।

<><><><><><>

PM-Janaushadi

जन औषधि जन चेतना सप्ताह दे शुरूआत करदे होई केंद्री सेहत ते परिवार कल्याण मंत्री जे.पी नड्डा होंरें अज्ज प्रधानमंत्री भारतीय जन औषधि परियोजना दे रथ ते 10 होर गड़्डिएं दी झंडी दस्सियै रवाना कीता। इस मौके राज्यमंत्री अनुप्रिया पटेल बी मजूद हियां। इस मौके मंत्री होंरें लोकें गी प्रधानमंत्री भारतीय जन औषधिक परियोजना गी इक जन आंदोलन बनाने

दा आग्रह कीता ते आखेआ जे ओह् अपने हर दोस्त ते नेइमें सरबंधिएं गी इस बारे जागरूक करियै इसी लोकप्रिय बनाने च योगदान देन तां जे हर कोई घट्ट कीमते पर इनें दोआइयें गी हासल करी सकै। हफ्ताभर चलने आहले इस अभियान तैहत देसै दे बक्ख-बक्ख हिस्सें च जाई-जाइयै लोके गी प्रधानमंत्री भारतीय जन औषधि परियोजना दे बारे च जागरूक कीता जाग।

<><><><><><>

Transport Minister

ट्रांसपोर्ट मंत्री सतीश शर्मा होरें प्रयागराज च आयोजित महाकुम्भ दे बाद उत्थूं दे पवित्र घाटे गी साफ करने लेई जम्मू थमां इक्क विशेष बस सेवा गी झंडी दस्सियै रवाना कीता। इस मौके बोलदे होई उनें आखेआ जे विजन खास मौके दे बी अपने आहले-दोआले सफाई दा ध्यान रक्खना बड़ा जरूरी ऐ। उनें दस्सेआ जे प्रयागराज च महाकुम्भ आहली थाहरें बक्ख-बक्ख घाटे पर सफाई कीती जाग। मंत्री होरें जम्मू-कश्मीर सड़क ट्रांसपोर्ट निगम दी नां छड़ी प्रयागराज लेई बस सेवा शुरू करने सगुआं घाट साफ करने गितै इस नेक शुरूआत लेई बी सराहना कीती।

<><><><><><>

CS

मुख्य सचिव अटल डुल्लू होरें राई-बाई मैहकमे दिएं बक्ख-बक्ख दोआर स्कीमें तैहत दर्ज प्रगति दी समीक्षा करदे मौके दस्सेआ जे जम्मू-कश्मीर च राई-बाई दे खेतर च कोई 3 ज्हार

करोड़ रुपे दी बादद् दोआर छमता ऐ जेदा माली संस्थान पूरा-पूरा फैयदा हासल करी सकदे न।
उनें सब्भनें डीसी-एं ते सरबंधित मैहकमें गी निर्देश दिता जे ओह जम्मू-कश्मीर बैंक कन्ने
नेइमां तालमेल बनाइये कम्म करन तां जे दोआर लेई औने आहिलएं दरखास्तें दी मंजूरी ते
दोआर जारी करने दी दर गी बधाया जाई सकै। उनें आखेआ जे बैंकें गी बी लोइचदा जे बादद्
3 जहार करोड़ रुपें दी कारोबार छमता दा पूरा लाह हासल करन कीजे एहदे च पैहला डुब्बने दा
खतरा बी मता घट्ट रौहंदा ऐ।

<><><><><><>

Budget Session

जम्मू-कश्मीर विधानसभा दे इजलास कोला पैहले कांग्रेस पार्टी नै अपने विधायक दल दे 2
मार्च गी जम्मू च इक बैठक सद्दी दी ऐ। इस बारै जारी इक इतलाह च पार्टी दे बांडीपोरा
थमां विधायक निजामुद्दीन भट्ट होरें अपने सब्भनें विधायकें दी पार्टी दे जम्मू मुख्यालयें
च बैठक लेई किट्ठे होने लेई आखेआ ऐ। तोआई, नेशनल कांफ्रेंस नै बी उससै राज वजारत
रोड स्थित मुखमंत्री हुंदी कोठी च अपने विधायक दल दी बैठक सद्दी ऐ। तोआई, कांग्रेस
दा आखना ऐ जे उन्नै नेशनल कांफ्रेंस आसेआ सांझी बैठक बारै कोई अधिकारिक तौरा पर
साद्दा नेई दिता ऐ।

<><><><><><>

NHW Closed

जम्मू-श्रीनगर राष्ट्रीय जरनैली सड़क एन.एच-44 कल बी पूरी ध्याड़ी गड़्डिएं दी आओजाई लेई बंद रेही, अजें कि सड़कें परा मलबा ते कुप्पड़ हटाने दा कम्म बरोबर जारी ऐ। आकाशवाणी दे जम्मू संवाददाता नै जानकारी दिती ऐ जे वीरवार शामी तेज बरखा दे चलदे रामबन जिले च मेहड़ कश कई थाहरें ते नाशरी ते नवयुग सुरंगें कश बी मती थाहरें प्हाड़ें परा कुप्पड़ पौने ते सड़कें पर मलबा किट्ठा होई जाने कारण गड़्डिएं दी आओजाई बंद करी दिती गई ऐ। बरखा दे लगातार जारी रौहने कारण स्थिति होर मती खराब होई गई कीजे प्हाड़िएं परा होर मलबा ते कुप्पड़ पौना शुरू होई गे जेदे कारण रस्ते परा मलबा हटाने दे कम्मै च मती दिक्कत औन लगी अजे कि केई बड़्डियां मशीनां ते अमला कम्मै पर लगगे दा ऐ। ट्रैफिक पुलसै चेतावनी जारी कीती ऐ जे सड़कें दी हालत ते खराब मौसम गी ध्याड़ै च रखदे होई जरनैली सड़कें पर सफर नेई करन।

<><><><><><>

JMC

जम्मू नगर-निगम दे सेहत ते स्वच्छता सीगे दे जायंट कमिशनर अब्दुल सत्तार होरें कल इक गैर सरकारी संगठन “उदघोष फाउंडेशन” आसेआ अंतरराष्ट्रीय महिला दिवस दे सिलसिले च आयोजित इक बाइकर्स एक्पीडीशन गी झंडी दस्सियै रवाना कीता। इस एक्पीडीशन च कुल 30 महिला बाइकर न जेड़ियां मोटर सैकलें पर सोआर होड़यै कठुआ कोला लेड़यै पुंछ तोड़ी बन्ने कन्नै लगदे इलाकें च जाड़यै लोके गी नशाखोरी दे माड़े असर बारै जागरूक करंगन ते कन्नै बन्नै पारा नशीले पदार्थ दी तस्करी गी रोकने गितै बी लोके गी सौहगा सतर्क रौहने लेई प्रेरित

करंगन। एहदे अलावा एह बाइकर ग्राएं च जाइयै लोकेँ गी स्वच्छता संगंध बी चुकाडन ते इस दौरान कठुआ, साम्बा, जम्मू, राजौरी ते पुंछ जिले च कोई साइडे 800 किलोमीटर कोला मता सफर तैय करडन। इनेँ महिला बाइकरेँ च चिन्नेई, आंध्रपेदेश, दिल्ली, पंजाब ते राजस्थान थमां आए दे बाइकर बी शामिल न।

<><><><><><>